

宣統三年七月二十三日 星期五 第二十三號

內閣印鑄局發行

東長安牌樓王府井大街  
電話東局二百零一號

# 內閣官報

內閣官報條例摘要◎第一條 內閣官報為公布法律命令之機關凡 諭旨章奏及頒行全國之法  
 令統由內閣官報刊布◎第二條 凡京師各衙門通行京外文書均由內閣官報刊布各衙門毋庸再以  
 文書布告其各衙門單行文件並非通行及未便公布者仍應自用文書傳達◎第三條 凡法令除專條  
 別定施行期限外京師以刊登內閣官報之日起各行省以內閣官報遞到之日起即生一體遵守之效力  
 其各行省先期接有官發印電者不在此限◎第四條 凡未經內閣官報刊布之章程摺奏有在商辦報  
 章登載者不得援據◎第六條 各省布政司衙門應於所屬科員中特派一員經理寄送內閣官報及收  
 集報費事宜並將該員銜名申報內閣年終彙總考成有延誤者照遺誤公文例懲處其無布政司省分由  
 該省督撫飭令度支司派員辦理◎第十一條 京外大小官署均有購讀內閣官報之義務

# 目錄

宣統三年七月二十三日 第二十三號

宮門鈔

諭旨四道

交 旨二道

事由單

法令

內閣通咨各衙門解釋編纂現行法規名稱標

準等文

通行文件

郵傳部通行各督撫轉飭民局郵寄包封交納

滿費文

摺奏

籌賑大臣奏籌撥永定河漫口賑需並詳陳籌

款情形摺

魯撫奏前署即墨令陳毓松等欠款未解請查

抄備抵片

東督奏設立統計處片

浙撫奏裁撤調查局變通辦法片

科布多參贊大臣奏 欽選議員杜爾伯特

親王因病請假摺

海軍部奏議覆江督等奏補長江水師參將各

缺摺併單

又奏各省拔補千把弁缺摺

報告

民政部彙造京外第二次查報戶數清冊(續)

廣告

郵傳部告示

七月二十二日 農工商部 鑾輿衛 侍衛處值日

內閣引 見二十名 度支部引 見二名 學部引 見五名 陸軍部引

見十四名 鑲黃蒙引 見一名 鑲紅蒙引 見五名 鑲藍滿引 見四

名

繼祿假滿請 安

秀吉續假十日 錫侯續假二十日

明日換單袍桂

農工商部 禁煙大臣 劉廷琛各遞封奏一件

召見內閣總協理大臣 倫貝子澤公

諭旨

監國攝政王鈐章

七月二十二日內閣奉

上諭禁煙大臣奏職官煙癖未除據實糾叅各摺片開缺典禮院直學士李擢英前軍機章京孫筍經均著革職永不叙用所有為孫筍經出結官典禮院學士易貞內閣閣丞華世奎該大臣等奏稱出結係在本年續定章程以前可否量予末減等語易貞華世奎應得降一級

調用處分均著改爲罰俸一年欽此

奕劻那桐徐世昌署名

監國攝政王鈐章

七月二十二日內閣奉

上諭本日引見北洋大學堂畢業學生考列優等之陳紘著賞給進士出身改翰林院庶吉士  
欽此

奕劻那桐徐世昌唐景崇署名

監國攝政王鈐章

七月二十二日內閣奉

上諭本日引見進士館游學畢業之陸軍部候補主事饒孟任法部候補主事王汝楡均著以  
員外郎仍留原衙門補用欽此

奕劻那桐徐世昌唐景崇署名

監國攝政王鈐章

七月二十二日內閣奉

上諭本日補行引見陸軍貴胄學堂畢業考列上等之陳繩著補授陸軍副軍校欽此

奕劻那桐徐世昌唐景崇署名

七月二十二日

監國攝政王鈐章

欽奉

諭旨農工商部會奏酌訂考核直省府廳州縣辦理實業勸懲專章繕單呈覽一摺著依議欽此

奕劻那桐徐世昌溥倫署名

監國攝政王鈐章

欽奉

諭旨本日引見之補行覆帶京察一等陸軍部郎中李盛和保舉候選道田吳炤均著於本月二十三日預備召見欽此

奕劻那桐徐世昌署名

監國攝政王鈐章

欽奉

諭旨本日引見之縣丞用兼襲雲騎尉李滋然著以學部七品小京官用欽此

奕劻那桐徐世昌署名

# ✿事由單

七月二十二日內摺傳 旨事由單

度支部 奏議覆陸軍貴胄學堂擬添新班學生應需經費請 飭部籌撥事奉 旨依議欽此

又 奏覈覆豫省宣統元年地丁正耗錢糧奏銷事單一件奉 旨知道了欽此

農工商部 奏興辦林業著有成效照章獎給商勳事奉 旨依議欽此

又 奏留司員事奉 旨依議欽此

造辦處 奏恭辦 毓慶宮等處銅活貼落匾對等項應需銀兩請撥部款事單二件奉 旨依議欽此

此

七月二十二日外摺欽奉 硃批事由單

慶 恕 奏請補放青海左翼正副盟長摺奉 硃批著照所請該部知道欽此

內閣通咨各衙門解釋編纂現行法規名稱標準等文

爲咨行事准郵傳部咨開參議廳法制科案呈編纂現行法規章程第四條載各衙門編纂法規應就各主管事務酌量分類逐類分件其每件標目所用名稱一法二律三條例四章程五規則等語查五項法令之別吾國向無特別規定釋原章程語意似以無論何項法令必標名稱其所標之名任於五者擇一用之惟何項法令應用何等名稱有否標準尙希示覆又章程第十三條載自本章程奏准一月後各衙門應於每月上旬將上月已編成之件咨送內閣由法制院審查等語查編纂法規事極繁重益以本部統轄四政新舊檔案卷牘綦繁欲求完善無疵必先將各卷分類彙齊貫澈全案然後從事編輯乃無衝突挂漏之病恐非尅期所能辦到若必按月編送其中或有已經全文改易或某條廢止者難保不編前遺後一律攙入如有此項情事業經編送貴閣擬俟編至新例時再行隨時聲明更改似此辦法有無窒礙相應咨行貴閣查照希即迅速見覆以憑辦理等因前來查原定章程係爲編纂現行法規而設所用名稱標準自有一定凡應以法律規定事件稱法稱律各從事類之便宜性質究無差別如刑律等項之稱律及法院編制法等項之稱法是也其命令規定事件則不得冠以法律之名至於稱條例稱章程稱規則云者名雖不同然應以法律規定事件如係單行則條例章程規則各名稱均可從事類之便宜分別擇用如禁煙禁賭等條例及上年交由資政院議之地方學

務章程運輸規則等是也其以命令規定事件除逕稱某某令外或稱條例或稱章程或稱規則亦俱各從事類之便宜此原章程第四條分別稱名之標準也總之稱律稱法爲專屬於法律事項之名詞條例章程規則爲分屬於法律事項或命令事項之名詞應於擬具法令草案時量宜酌用以免紛歧至來咨所稱現行法規業經編送者或有改易廢止擬俟編至新例時再行隨時聲明更改一節查編纂體例自應前後銜接嗣後各衙門業經按月編送之件如接續編纂時查有應行更改者可隨時聲明俾免抵觸挂漏之病除咨覆外相應通咨各衙門查照辦理可也須至咨者

### ✽通行文件

郵傳部通行各督撫轉飭民局郵寄包封交納滿費文

爲咨行事郵政司案呈本年閏六月二十九日本部奏京外各衙門寄遞郵件仍應照向例納資一片本日奉 旨知道了欽此欽遵鈔奏通行在案所有各省文報局交納半費者亦經咨行改交滿費惟各省民局包封往來通商口岸仍係交納半費殊非畫一辦法現經規定此項民局包封由郵局寄遞均須一律交納滿費除札飭通行遵照並發給告示張貼各郵局俾衆週知外相應咨行貴督撫查照轉飭遵照可也須至咨者

籌賑大臣盛宣懷奏籌撥永定河漫口賑需並詳陳籌款情形摺

奏為遵 旨酌量籌撥直隸永定河漫口賑需並詳陳籌款為難情形恭摺仰祈 聖鑒

事竊宣統三年七月十六日奉 旨陳夔龍電奏永定河漫溢成口災黎待拯孔殷直隸賑

款無著請飭江皖籌賑大臣迅撥銀十五萬兩以資急賑等語著盛宣懷酌量籌撥欽此承准

內閣片交前來 臣維直隸為 畿疆重地永定河工夙稱險要 雖奉 命籌辦江皖賑務

理應不分畛域撥款協助第查上年江皖賑災舉辦較遲是以先行 奏請挪借度支部郵傳

部捐款路款共六十萬兩並飭通商銀行等設法息借趕辦急賑共計撥解江皖兩省及河南

山東各州縣賑款賑糧運費川資平糶粥廠已在一百四十萬兩以上雖經設立公所勸辦各

項捐輸及報効等款計自開辦至今僅收捐款銀一百四十六萬餘兩以收抵撥似尙相符無

如六月間湘省常德等屬被災遵 旨協濟銀十萬兩皖省無為州等處圩破堤潰災廣人

衆又經遵 旨撥解賑款銀三十萬兩蘇省揚鎮常三屬沿江各圩被水沖決小民困苦達

於極點又經遵 旨加籌賑款銀二十萬兩以上所撥各款在新捐項下動放者半向各銀

行息借者亦半羅掘一空智窮力竭而度支部原借之三十萬改為農工商部經費兩次僅得

撥還銀十萬兩七月十三日查賑大臣馮煦電奏皖南江南統核新災需款現在已撥之五十

萬兩實屬不敷擬將部款稍緩歸墊等因雖經奉 旨著度支部議奏 臣以該款業經奏明

由報効第七次起每次提銀五萬兩分批撥解以期清償是以仍照原案解交不敢延誤惟江

皖新災賑款實形短絀官紳電告紛至沓來並云飢民經亂民煽惑蕪湖常昭等處均有搶掠

暴動情事弭災所以弭亂誤民即將誤 國不得已復又電商上海銀行息借銀十萬兩即於十四日交大清銀行電匯馮煦查收統由馮煦分別輕重緩急合計分撥迅速拯救以遏亂萌凡此籌款竭蹶情形諒早在 聖明洞鑒之中 一息尚存自應始終不懈今直隸永定河漫溢成災飢民必衆待賑必急 曷敢稍存漠視祇以一時無款可撥疾首疚心不安寢饋查江皖新捐先經 臣查明直隸督 臣照會藩司及署提法使洪恩廣會同勸辦業已辦有成效擬請凡直隸省所收捐款報解籌賑公所者即由 臣如數撥歸永定河災賑應用仍以撥至十五萬兩爲止俾災區可資接濟而捐案仍不紛歧似於賑務捐務均能兼顧無誤如蒙 兪允恭候 命下擬即由 臣咨行欽遵辦理所有遵 旨酌量籌撥直隸賑需並詳陳籌款爲難情形是否有當謹恭摺具陳伏乞 皇上聖鑒訓示謹 奏宣統三年七月十九日欽奉

諭旨盛宣懷奏籌撥永定河漫口賑需並詳陳籌款情形一摺著依議欽此

山東巡撫孫寶琦奏前署即墨令陳毓崧等欠款未解請查抄備抵片

再前署即墨縣知縣陳毓崧前署館陶縣知縣周尙鏞前署東平州已故候補直隸州知州劉廷璋虧欠各任交代正雜款項爲數均鉅前因屢催不解業經 臣於本年五月間 奏參分別革職勒限一個月完繳奉

旨允准在案茲查陳毓崧一員雖於限內解銀三千兩下欠尙逾鉅萬周尙鏞劉廷璋二員則限期久逾仍未解到分釐實屬玩延已極據藩臬兩司轉據該管道府揭參前來除飭將各該員歷過任所寓所查明有無隱寄資財一律嚴密查抄茲將陳毓崧周尙鏞照例監追其已故之劉廷璋即嚴追其家屬完繳外查陳毓崧係

湖南湘潭縣人周尙鏞係四川慶符縣人劉廷璋係福建上杭縣人相應請 旨飭下四川閩浙各督臣及

湖南撫臣將該革員陳毓崧周尙鏞故員劉廷璋等原籍所有財產悉數查封照例估變解東備抵以重庫款除咨部查照外謹附片具 奏伏乞 聖鑒訓示謹 奏宣統三年七月十九日奉 硃批著照所請該

衙門知道欽此

摺 奏 憲政類

東三省總督趙爾巽奏設立統計處片

再查接管卷內准憲政編查館咨行奏准變通各省調查辦法一摺內開調查局應即裁撤將法制事宜歸併辦理統計另設專處等因當經前督臣錫良先將調查局經費於議覆資政院核減預算案內奏明裁汰臣到任後遵即裁撤調查局設立統計處爲彙核全省統計事宜之地該處設參事一員助理員四員由臣分別遴委業於三月初一日開辦每年經費減爲一萬零四百四十兩遇閏照加本年所需經費應請暫在本省第二預備金項下開支所有編纂法制未盡事宜並飭該處兼辦藉便督率除將該處簡章分咨查照外理合附片具陳伏乞聖鑒謹 奏宣統三年閏六月二十八日奉 硃批該部知道欽此

浙江巡撫增韞奏裁撤調查局變通辦法片

再案准憲政編查館咨行宣統三年三月十五日欽奉 諭旨憲政編查館奏變通各省調查辦法以節經費而裨統計一摺著依議欽此到臣衙門欽遵自五月初一日起將調查局實行裁撤所有法制事宜併歸會議廳參事科辦理所需經費於會議廳款項內撥節動用不另開支至辦理統計事宜因臣衙門房屋較少暫就調查局原有房屋爲彙編各項統計表冊之地仍歸臣衙門直接管轄以符原奏復就調查局舊委各員嚴加裁汰其他活支各款亦經極力裁減較之從前用款已撥節十之六七除遵前奉 諭旨切實經理每屆上年統計表冊

限於六月前咨送到部以備編成年鑑外所有變通調查辦法緣由理合附片具陳伏乞

皇上聖鑒謹 奏宣統三年閏六月二十九日奉 硃批知道了欽此

科布多參贊大臣溥綱奏 欽選議員杜爾伯特親王因病請假摺

奏為 欽選議員杜爾伯特親王因病請假據情代 奏恭摺仰祈 聖鑒事竊臣據杜爾伯特右翼盟

長札薩克和碩親王索特納木札木柴呈稱上年資政院畢會恭請 聖安後遵 旨馳驛回牧途次水

土不服又感風寒即覺左骸腫痛今年三月十八日行抵本牧兩骸青腫牽掣腰痛雖經醫治總未見效旋奉

行知四月十二日奉 上諭本年九月初一日為資政院第二次開會之期著仍於八月二十日召集所有

該院議員均即遵照定期一律齊集該衙門知道欽此又理藩部奏外藩王公各議員可否馳驛一摺奉

旨准其馳驛來京欽此各等因遵奉之下復經延醫上緊療治原期稍可即當力疾起程無如近來百方調理

不惟兩骸步履維艱抑且腰背強直俯仰不能自由資政院召集期迫五內焦灼伏思索特納木札木柴蒙古

世僕受 恩尤重上年在京仰蒙 天恩賞給公費廩餼往來馳驛 高厚慈施無可答報使索特納

木札木柴病勢但能稍可撐持自當力疾起行委因病勢纏綿日益增劇今年資政院第二次會期實係因病

不克前往疚心疾首無可如何惟有據實具情籲懇 天恩俯准賞假俾得安心調理出自 鴻慈逾格

儼賴 聖主鴻福調理就痊下屆會期即當依限赴京萬不敢稍耽安逸自外生成呈請代 奏等情前來

所有 欽選議員杜爾伯特親王索特納木札木柴因病請假緣由除分咨查照外理合據情代 奏伏乞

皇上聖鑒訓示遵行謹 奏宣統三年七月二十日奉 硃批著照所請該衙門知道欽此

奏軍政類

海軍部奏議覆江督等奏補長江水師參將各缺摺併單

奏為遵 旨彙奏事內閣鈔出兩江總督張人駿等奏兩江所轄長江水師吳城營參將各員缺請以瓜洲

鎮標中軍游擊徐金玉等升補等因一摺宣統三年四月二十八日奉 硃批海軍部議奏單併發欽此欽

遵到部查定例長江水師缺出援照外海水師例先儘歷俸一年以上者揀選保題升用又守備以上按到任

日期計俸千總接受劄日期計俸又武職年屆六十三歲該督撫嚴加甄別如有精力尚健者出具切實考語

保題留任各等語此次兩江請補長江水師參將各缺計六員 臣等詳加查核徐金玉周雲亭請補參將曹昭

貴劉雲泰請補都司江少開蔣鳳洲請補守備均與定例相符應請准其升補各缺恭候 命下遵即行文

該督按限給咨徐金玉周雲亭曹昭貴江少開蔣鳳洲五員赴部引 見後再行給予劄付其劉雲泰一員

前補守備引 見未滿三年照章無庸調引由 臣部封給劄付令其承領赴任所有 臣等遵議彙奏兩江請

補水師參將各缺緣由理合繕具清單恭摺具陳伏乞 皇上聖鑒訓示遵行謹 奏宣統三年閏六月二

十五日奉 旨依議欽此

謹將議覆兩江總督張人駿等奏補長江水師參將各缺繕具清單恭呈 御覽 計開 一兩江總督張

人駿等奏長江水師吳城營參將員缺查有瓜洲鎮標中軍游擊徐金玉幹練精明講求戎政雖年逾六十三

歲而精力尚屬強健請以升補等因查徐金玉安徽人年六十五歲由武童歷補長江水師瓜洲鎮標中軍游

擊光緒三十年十一月二十七日任事今請補吳城營參將歷俸已滿一年現無事故雖年逾六十三歲既據

該督出具精力尚健考語核與定例相符應請准其升補 一兩江總督張人駿等奏長江水師饒州營參將

員缺查有孟河營游擊周雲亭才優心細果敢有為堪以升補等因查周雲亭湖南人年四十八歲由武童歷

補長江水師提標中營右哨都司升署孟河營游擊光緒三十三年十月奏准實授宣統元年八月二十七日

任事今請補饒州營參將歷俸已滿一年現無事故核與定例相符應請准其升補 一兩江總督張人駿等

內閣官報 摺奏 軍政類 七月二十三日第二十三號

昭貴湖南入年四十七歲由武童歷拔長江水師金陵營前哨一隊千總升署孟河營前哨守備光緒三十四年五月奏准實授宣統元年六月初四日任事今請補湖口營左哨都司歷俸已滿一年現無事故核與定例相符應請准其升補 一兩江總督張人駿等奏長江水師三江營左哨都司員缺查有裕溪營前哨守備劉雲泰辦事精明持躬廉潔堪以升補遣出守備員缺查有大通營後哨二隊千總江少開操防得力緝捕動能堪以升補等因查劉雲泰安徽人年三十七歲由武童歷補長江水師裕溪營前哨守備宣統元年四月二十日經 欽派王大臣驗放堪以補授二十一日覆奏奉 旨依議欽此是年五月二十七日任事今請補三江營左哨都司江少開湖南人年五十五歲由武童歷拔長江水師大通營後哨二隊千總光緒二十九年七月初一日受劄今請補裕溪營前哨守備該二員歷俸均滿一年現無事故核與定例相符應請准其升補 一兩江總督張人駿等奏長江水師大通營後哨守備員缺查有裕溪營前哨二隊千總蔣鳳洲巡緝耐勞才長年富堪以升補等因查蔣鳳洲江南人年三十七歲由武童歷拔長江水師裕溪營前哨二隊千總光緒三十四年九月二十六日受劄今請補大通營後哨守備歷俸已滿一年現無事故核與定例相符應請准其升補

海軍部彙奏各省拔補千把弁缺摺

奏為請 旨事查定例營千總缺出於保送功加把總及現任把總內選拔把總缺出於保送無職任功加及外委千總把總並兵丁內選拔該將軍督撫提鎮將才具優長者出具考語咨部請劄其本營兵丁不准拔補本營千總把總若係獨營地方無鄰近營汛可以調補即於本營左哨右哨頭司二司內彼此調拔查明部冊有名與例相符者按月彙題請 旨給予劄付等語宣統三年三月分四月分五月分各省咨請拔補水師千總劉錫錦李清吾張樹勳金殿鵬許朝麟馮占椿蔡應堂曾桐拔補水師把總龔錦章馮槐林程世璋吳殿臣楊炳甲張並茂莫長幼劉景裕單紹襄李耀漢劉雄才何鴻亮等共二十弁經臣等查核均與定章相符應各准其拔補恭候 命下遵即封發劄付行文各該省飭令該弁等承領赴任所有各省拔補水師千總把總各弁缺謹彙案恭摺具陳伏乞 皇上聖鑒訓示遵行謹 奏宣統三年閏六月二十五日奉 旨

依議欽此

上洋廳正戶一千零零二戶附戶一百七十戶 泉州廈門商埠正戶二萬五千三百五十二戶附戶一千三百七十八戶 福甯三都商埠正戶八百三十八戶附戶一十四戶

合計正戶一百六十九萬九千零六十七戶附戶六十七萬七千七百八十八戶

浙江全省 杭州府屬正戶二十四萬九千四百五十戶附戶三萬八千一百七十九戶 嘉興府屬正戶二

十五萬五千三百五十五戶附戶四萬零八百七十一戶 湖州府屬正戶二十二萬一千八百二十三戶附

戶五萬零五百零六戶 甯波府屬正戶二十五萬六千七百七十七戶附戶二十三萬一千五百三十九戶

紹興府屬正戶四十二萬二千五百一十七戶附戶二十五萬五千四百九十五戶 台州府屬正戶三十

萬零八千九百八十二戶附戶三十一萬九千四百三十四戶 金華府屬正戶二十一萬四千六百九十八

戶附戶九萬五千零零四戶 衢州府屬正戶一十二萬一千六百零二戶附戶四萬四千七百三十戶 嚴

州府屬正戶八萬四千九百零八戶附戶二萬五千九百四十二戶 溫州府屬正戶二十七萬一千一百一

十五戶附戶一十六萬二千九百四十七戶 處州府屬正戶一十一萬三千三百九十七戶附戶九萬六千

三百八十八戶 溫州商埠正戶七百八十二戶附戶一百九十七戶 杭州商埠正戶一千零三十八戶附

戶四百四十九戶 甯波商埠正戶二千一百九十一戶附戶一千九百九十五戶

合計正戶二百五十二萬四千六百三十五戶附戶一百三十六萬三千六百七十六戶

江西全省 南昌府屬正戶四十四萬八千二百二十七戶附戶一十二萬七千九百二十戶 饒州府屬正

戶二十一萬七千四百九十五戶附戶七萬六千七百一十七戶 廣信府屬正戶一十六萬一千二百六十

七戶附戶一十一萬六千四百八十戶 南康府屬正戶一十一萬四千三百九十六戶附戶二萬二千九百

零九戶 九江府屬正戶一十四萬零八百六十五戶附戶二萬九千九百三十二戶 建昌府屬正戶一十

一萬五千三百六十六戶附戶五萬零二百六十五戶 撫州府屬正戶一十五萬九千九百七十七戶附戶

一十一萬五千七百四十七戶 臨江府屬正戶十萬零一千七百四十一戶附戶一萬五千零七十四戶

瑞州府屬正戶十萬零三千一百八十一戶附戶二萬七千八百二十七戶 袁州府屬正戶一十二萬一千八百七十戶附戶一十一萬五千八百一十九戶 吉安府屬正戶三十一萬三千九百八十二戶附戶九萬九千九百五十三戶 贛州府屬正戶二十萬零四千四百六十二戶附戶一十四萬一千一百零四戶 甯都直隸州屬正戶三萬二千四百二十九戶附戶十萬零三千三百八十八戶 南安府屬正戶五萬二千一百六十三戶附戶五萬五千七百七十二戶 南昌府屬商埠正戶一千二百一十五戶附戶二百三十九戶 饒州府屬商埠正戶六千六百七十三戶附戶二千九百二十四戶 廣信府屬商埠正戶四千一百七十七戶附戶二千三百一十八戶 九江府屬商埠正戶一千八百三十七戶附戶五千五百五十八戶 臨江府屬商埠正戶一千一百六十六戶附戶七百二十三戶 袁州府屬商埠正戶五千四百四十一戶附戶四千五百五十四戶 南昌府屬船戶三千六百八十戶 饒州府屬船戶四千三百七十六戶 廣信府屬船戶一千零九十二戶 南康府屬船戶九百七十二戶 九江府屬船戶二千零五十八戶 建昌府屬船戶三百三十四戶 撫州府屬船戶一百五十四戶 臨江府屬船戶四百八十三戶 瑞州府屬船戶四百二十五戶 袁州府屬船戶七百九十戶 吉安州屬船戶一千二百一十戶 贛州府屬船戶七百一十九戶 甯都直隸州屬船戶八十一戶 南安府屬船戶三百四十六戶

合計正戶二百三十二萬四千六百五十戶附戶一百一十一萬五千二百二十三戶

湖北全省 武昌府屬正戶四十五萬五千九百九十九戶附戶一十五萬五千五百六十八戶 漢陽府屬正戶五十九萬零八百九十五戶附戶一十二萬二千二百六十六戶 安陸府屬正戶五十萬零零一百零七戶附戶六萬四千三百一十三戶 荊門直隸州屬正戶三十萬零一千六百四十七戶附戶六萬零九百八十七戶 襄陽府屬正戶四十六萬七千四百零三戶附戶七萬三千三百五十八戶 鄖陽府屬正戶二十萬零九千零二十戶附戶三萬六千五百五十四戶 德安府屬正戶三十五萬四千五百七十八戶附戶五萬六千九百零八戶 黃州府屬正戶五十三萬七千四百七十八戶附戶三萬二千三百零六戶 荊州

府屬正戶三十五萬一千二百三十一戶附戶十萬零零四百四十六戶 宜昌府屬正戶二十五萬二千二百零七戶附戶二萬零六百一十三戶 鶴峯直隸廳正戶一萬三千六百一十六戶附戶一千一百八十戶 施南府屬正戶一十四萬八千九百九十八戶附戶二萬四千八百五十五戶

合計正戶四百一十八萬三千一百七十九戶附戶七十四萬九千三百五十四戶

湖南全省 長沙府屬正戶五十六萬三千四百三十七戶附戶五十七萬九千三百九十四戶 寶慶府屬正戶二十二萬零五百八十三戶附戶一十二萬二千零七十八戶 衡州府屬正戶二十九萬一千八百二十六戶附戶二十萬零九千九百一十五戶 永州府屬正戶二十二萬三千三百五十六戶附戶一十八萬一千七百九十戶 岳州府屬正戶二十萬零九千七百三十戶附戶十萬零八千零六十一戶 常德府屬正戶二十三萬四千一百零六戶附戶六萬九千五百九十二戶 辰州府屬正戶一十二萬四千零四十三戶附戶七萬七千八百八十八戶 沅州府屬正戶八萬一千六百八十一戶附戶四萬一千五百七十九戶 永順府屬正戶一十二萬八千四百九十八戶附戶二萬二千五百六十七戶 郴州直隸州屬正戶十萬零零七百八十四戶附戶八萬六千零五十二戶 桂陽直隸州屬正戶六萬五千八百零七戶附戶七萬一千七百零六戶 澧州直隸州屬正戶一十八萬七千一百四十三戶附戶八萬八千八百七十九戶 靖州直隸州屬正戶六萬零九百九十六戶附戶三萬六千二百五十五戶 各直隸廳屬正戶八萬二千一百三十八戶附戶一萬八千二百八十戶

合計正戶二百五十七萬四千一百二十八戶附戶一百七十一萬四千零三十六戶

四川五十五屬 成都府屬正戶一十四萬八千一百一十六戶附戶三萬五千四百八十五戶 綿州直隸州屬正戶八萬八千六百二十七戶附戶四萬四千三百三十五戶 龍安府屬正戶二萬三千六百八十六戶附戶五千九百一十九戶 理番直隸廳屬正戶六千零四十八戶附戶三百二十七戶 雅州府屬正戶三萬一千六百零二戶附戶三千七百九十五戶 甯遠府屬正戶五萬三千二百四十一戶附戶七千零四

十戶 嘉定府屬正戶十萬零七千五百三十四戶附戶四萬七千二百九十八戶 眉州直隸州屬正戶十萬零零一百九十二戶附戶一萬四千九百三十四戶 重慶府屬正戶二十一萬二千四百零七戶附戶九萬八千零七十二戶 夔州府屬正戶二十萬零一千九百五十戶附戶七萬三千零六十七戶 綏定府屬正戶二十六萬一千六百五十三戶附戶一十二萬一千六百七十六戶 忠州直隸州屬正戶一十二萬三千六百六十九戶附戶七萬零六百二十三戶 酉陽直隸州屬正戶一十三萬五千八百四十七戶附戶四千六百五十五戶 保甯府屬正戶十萬零四千三百三十四戶附戶七萬九千八百五十戶 順慶府屬正戶二十一萬四千零一十六戶附戶一十四萬九千五百五十六戶 潼川府屬正戶一十一萬四千八百六十一戶附戶三萬零六百九十戶 敘州府屬正戶八萬四千九百一十六戶附戶一萬一千七百九十七戶 敘永直隸廳屬正戶六萬七千七百一十八戶附戶四千五百六十一戶 瀘州直隸州屬正戶五萬零四百八十五戶附戶五千七百七十三戶 資州直隸州屬正戶一十六萬四千七百八十九戶附戶十萬零九千零三十三戶 茂州直隸州屬正戶三千七百三十六戶附戶二千三百五十二戶 懋功直隸廳屬正戶六千四百四十七戶附戶三百零三戶 石碛直隸廳屬正戶一萬六千三百五十一戶附戶一萬六千八百五十一戶 成都府屬船戶六百六十七戶 綿州直隸州屬船戶四百二十五戶 眉州直隸州屬船戶四百三十六戶 邛州直隸州屬船戶五百二十五戶 嘉定府屬船戶一千三百四十七戶 重慶府屬船戶六千四百二十六戶 夔州府屬船戶二千一百三十九戶 綏定直隸州屬船戶一千二百三十九戶 忠州直隸州屬船戶八百七十八戶 保甯府屬船戶五百五十二戶 潼川府屬船戶四百一十一戶 順慶府屬船戶二百六十九戶 敘州府屬船戶七百六十八戶 敘永直隸廳屬船戶四十一戶 瀘州直隸州屬船戶一千五百二十七戶 資州直隸州屬船戶八百九十一戶 酉陽直隸州屬船戶一百六十三戶

合計正戶二百三十四萬零四百二十九戶附戶九十三萬七千九百九十二戶

廣東全省 廣州府屬正戶一百六十六萬九千五百七十五戶附戶一十五萬六千八百五十五戶 肇慶

爲出示曉諭事照得本部接收郵政規定畫一章程各衙門郵件應照郵政向例納資業於本年閏六月二十九日片奏奉 旨知道了欽此欽遵通行在案所有各省文報局交納半費者亦經咨行改交滿費惟各省民局包封往來通商口岸仍係交納半費殊非畫一辦法現經規定此項民局包封由郵局寄遞均須一律交納滿費除通行各督撫查照轉飭遵照並札飭本部郵政總局通行各省郵局照辦外爲此示仰各該民信局一體遵照毋違切切特示

### ●本局新印 考察政治大臣編譯各書廣告

- |          |            |            |            |
|----------|------------|------------|------------|
| 日本統計釋例   | 每部二冊價銀六角   | 日本憲法說明書    | 每部一冊價銀四角   |
| 日本憲政略論   | 每部一冊價銀一角   | 譯書提要       | 每部一冊價銀一角   |
| 駐奧使館報告書  | 每部一冊價銀三角   | 日本政治要覽     | 每部二冊價銀六角   |
| 日本議會誌法   | 每部二冊價銀八角   | 法國政治要覽     | 每部一冊價銀三角   |
| 比國政治要覽   | 每部一冊價銀三角   | 日本丙午議會     | 每部一冊價銀四角   |
| 日本憲法疏證   | 每部二冊價銀六角   | 英國財政要覽     | 每部一冊價銀三角   |
| 日本官制通覽   | 每部一冊價銀三角   | 新出英國議院答問   | 每部一冊價銀二角五分 |
| 新出英國政府答問 | 合訂一冊價銀一角五分 | 新出英國地方自治答問 | 每部一冊價銀一角五分 |
| 新出英國財政答問 | 每部一冊價銀一角   | 新出英國皇室制度答問 | 每部一冊價銀一角五分 |
| 核訂現行刑律案語 | 每部價洋拾元     |            |            |

以上各種均爲講求法政最要之書北京琉璃廠上海棋盤街商務印書館內均有代售躉批五十部以上九折百部以上八折千部以上七折外埠郵費照遠近酌加 總發行所北京王府井大街內閣印鑄局

## 內閣官報發行章程摘要

第一條 印鑄局設發行所專管官報寄遞京外事宜

第二條 內閣官報每日出報一分每月收回報價大洋八角常年八元郵費在外概不零售

第三條 內閣官報發行以十二個月爲一年六個月爲半年

第四條 在京各部院按日送閱一分至三分不收報費外其各署廳司局處另行在本局訂購者均於每日出報後即刻派人專送

第六條 各省除行政司法各官廳皆有購讀官報義務外凡武職旗營自治團體學堂及候補人員本地紳民均可向布政司或度支司衙門經理官報處購買

第七條 前條閱報人員有欲徑向印鑄局掛號按日徑寄者每分先繳報費並酌交郵費由局按日另寄

第八條 在京分送各報係由印鑄局送報夫役走走送者均登送報簿如有遺漏遲誤閱報人得隨時函告印鑄局處理外寄各報有遺漏者由經理官報處或閱報人函知印鑄局查補

第九條 遠近定購本報至少須先定半年預繳報費後給予定報收單即照開明地址分別送寄如有遷移事故隨時知照以便更改

第十一條 內閣官報除在京由印鑄局發行及准各報房承領在外由布政司或度支司發行外各省官報局商報館以及殷實店舖有願代銷者函告印鑄局發行所書明認領報數即可訂定照寄扣給報價二成作爲酬勞惟應常年先付報價三個月以昭憑信願領銷多分者得另訂合同

第十二條 除各官廳官有事業官立學堂示諭廣告外凡京外官商曾經奏明辦理之銀行鐵路鑛務及在農工商部註冊設立各項公司並有確實證據之不動產欲刊印單篇告白隨報附送者可函請本局核定刊登其附送以本京爲限五行起碼第一日至三日每日五元四日以下四元五角六行以下第一日至三日每日每行加五角四日以下每行加四角五分其附登本報則以半面起碼第一日每半面洋十元第二日至第十日每半面日收洋八元十一日至一個月每半面日收洋六元第二月後每半面日收洋五元以後官報行銷愈廣再行改訂凡各官廳及官有事業學堂公益等事欲附登本報者酌收半費